



Sabtu, 10 Pebruari 2024
Ogen : Keluaren 23:8



Uang Sogok?



Enggo berekendu KTP ndu nakwe?" nina nande So man nande Gok. " langa teman, kam ise kin si ku rumahndu ndata si ena, janah adi arah kam ena asakai kin pagi pengalonna?" Nina ka nande Gok ngaloi ranan nande So. "Asakai kalak ase ka nge ia nina, e maka berekenlah ula kam pagi lanai ngalo teman" nina nande So mpetetap ukur nande Gok. Percakapen enda enggo biasa, lanai mereha icakapken. Bage ka enggo jamanna nina kin, erlumba guna ndatken pengalon bas pemilihan.

Perintah Dibata man bangsa Israel. Ula aloken uang sogok sabap uang sogok erbahanca kalak lanai ngidah si benar. Gelarna pe uang sogok, e me pemere man sekalak jelma segelah kalak singalokennca e ngikutken entah ngelakoken kai sinisuraken simereken uang e. Subuk simereken entah singaloken uang sogok e petembil ras Dibata. Kalak si malang man Dibata e me kalak si tek nandangi penjayamen Dibata. Ngasup ndalani kegeluhen alu la jadi seri ras doni enda. Bas doni enda mbue kel si ersura-sura mabai kita nilah bas Dibata nari. Erbage si ibahan subuk sogok bage pe nogok ilakoken segelah seh sura-surana, labo sura-sura Dibata. Kalak si enggo iiket i bas sogok menyogok lanai ngasup nuriken dengen ndalanken kebenaran Dibata kap; perkara kalak si la ersalah pe banci ibalikken seh maka merugiken kalak sideban, menguntungkan man bana.

Kita enda anak-anak terang kap, kegeluhenta arus jadi terang i tengah-tengah gelapna doni enda. Teridah dengen tergejap min kinitekenta i bas pemilihan e. Aminna pe doni enda enggo melala si bage rupana, tapi kita arusna tampil beda, "la ngaloken sogok". Labo kari ngaruh kel sen sogok sialoken kita e guna kiniulin kegeluhen ku wari-wari si reh enda. Ingetlah madin manken ulih latihta asangken manken uang sogok. Dahiken dahinta; milihlah tapi ula ngit isogok.

☞ "Rataken bas pusuh: Aku anak-anak Dibata la tersogok doni enda"



